

Na osnovu člana 16. stav 2. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 7/10), te člana 15. Zakona o koncesijama-Prečišćeni tekst („Službene novine Zeničko-dobojskog kantona“, broj: 5/03), na prijedlog Ministarstva za privredu, Vlada Zeničko-dobojskog kantona, na 50. sjednici, održanoj dana 07.04.2016. godine, d o n o s i

ODLUKU

o davanju saglasnosti za prenošenje prava i obaveza iz Ugovora o koncesiji, broj: 04-18-20784-17/05 od 25.04.2005. godine, za eksploataciju mineralnog resursa krečnjaka na lokalitetu „Morava-Krivodol“ općina Breza sa privrednog društva „BREZA-DOM“ d.o.o. Sarajevo na privredno društvo „ABLE INVESTMENT“ d.o.o. Sarajevo.

Član 1. (Predmet)

Daje se saglasnost za prenošenje prava i obaveza iz Koncesionog ugovora, broj: 04-18-20784-17/05 od 25.04.2005. godine, za eksploataciju mineralnog resursa krečnjaka na lokalitetu „Morava-Krivodol“ općina Breza sa privrednog društva „BREZA-DOM“ d.o.o. Sarajevo na privredno društvo „ABLE INVESTMENT“ d.o.o. Sarajevo.

Član 2. (Zaduženja)

Zadužuje se Ministarstvo za privredu da, prije potpisivanja ugovora o koncesiji, potpiše tripartitni ugovor sa starim i novim koncesionarom.

Član 3. (Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-18-7636/16.

Datum, 07.04.2016. godine
Zenica

**PREMIJER
PO OVLAŠTENJU**

DOSTAVLJENO:

1x Ministarstvo za privredu,
1x Ministarstvo finansija,
1x „Službene novine Zeničko-dobojskog kantona“,
1x a/a.

Himzo Smajić

O b r a z l o ž e n j e

Na osnovu člana 15. Zakona o koncesijama («Službene novine Zeničko-dobojskog kantona» broj: 5/03), na prijedlog Ministarstva za privredu, Vlada Zeničko-dobojskog kantona je donijela Odluku, broj: 02-18-1477/05 od 17.01.2005. godine o dodjeli koncesija na eksploataciju mineralnog resursa –krečnjaka na ležištu “Morava Krivodol” u općini Breza, privrednom društvu «BREZA-DOM» d.o.o. Sarajevo.

Rezultat ove Odluke je potpisivanje Koncesionog ugovora: 04-18-20784-17/05 od 25.04.2005. godine.

“Abla Investment” d.o.o. Sarajevo, putem advokata Bakira Ljubovića & Dženana Ljubović iz Zenice, se obratilo Vladi Zeničko-dobojskog kantona Zahtjevom broj: 04-18-20784-17-1/15 od 22.01.2016. godine, za prijenos koncesije za eksploataciju krečnjaka u ležištu “Morava Krivodol” u općini Breza sa privrednog društva «BREZA-DOM» d.o.o. Sarajevo na privredno društvo „ABLE INVESTMENT“ d.o.o. Sarajevo. Uz Zahtjev, “Able Investment” d.o.o. Sarajevo je dostavio i Studiju o ekonomskoj opravdanosti prenosa koncesije sa privrednog subjekta “Breza-Dom” d.o.o. Sarajevo na “Able Investment” d.o.o. Sarajevo. Kako je Studija koja je dostavljena imala niz nedostataka, Dopisom, broj:04-18-20784-17-1-1-/16 od 29.01.2016. godine, Ministarstvo za privredu je tražilo da se otklone nedostaci Studije i da se ista upotpuni neophodnim sadržajima (kadrovi, oprema, perspektivnost kamenoloma i td.). Nakon izvršenih dopuna Studija je dostavljena uz popratni akt, broj:04-18-20784-17-1/15 od 08.02.2016. godine, te je ista prihvaćena.

Prema Zapisniku, broj:04-34-6019-12/15 od 20.10.2015. godine “Breza-Dom” je imao dug od 158.280,75 KM, o čemu je upoznato Kantonalno pravobranilaštvo, koje je pokrenulo tužbe:

-27.08.2008. godine na iznos od 69.740,00 KM;

-16.12.2009. godine na iznos od 22.500,00 KM i

-06.01.2014. godine na iznos od 105.101,20 KM.

Presudom, broj:43 0 Ps 009269 08 Ps od 21.06.2012. godine, općinski sud Zenica, je naložio “Breza Dom” d.o.o. Sarajevo isplatu tužitelju od 69.740,00 KM kao koncesionu naknadu na eksploataciji količine krečnjaka na lokalitetu “Morava Krivodol”.

Rješenje općinskog suda u Sarajevu, broj:65 0 Ip 410662 14 Ip od 04.04.2014. godine određeno je izvršenje na temelju gore navedene presude, te je ovim Rješenjem došlo do blokade žiro računa privrednog subjekta “Breza-Dom”. Ministarstvo finansija je dostavilo dopis Ministarstvu za privredu, broj:07-14-172/15 od 23.11.2015. godine, kojim obavještava da je “Breza-Dom” d.o.o. Sarajevo 20.11.2015. godine uplatilo iznos od 158.280,75 KM prema navedenoj presudi.

Do podonošenja navedenog Zahtjeva privrednog subjekta “Able Investment” d.o.o. Sarajevo, Koncesionar «Breza-Dom» d.o.o. Sarajevo je dostavio Rješenje Porezne uprave FBiH o utvrđivanju prava na otpis kamata, broj:10-9/7-49-187/16 od 18.03.2016. godine, a sve prema Zakonu o izmjenama i dopunama Zakona o visini stope zatezne kamate na javne prihode (“Službene novine FBiH”, broj:86/15), te ovim su se stekli uslovi za nastavak prenosa koncesionog prava.

Imajući u vidu predhodno Ministarstvo za privredu predlaže usvajanje prijedloga Odluke kojom će Vlada omogućiti prijenos koncesije za eksploataciju ležišta krečnjaka «Morava-Krivodol» sa «BREZA-DOM» d.o.o. Sarajevo na “ABLE INVESTMENT” d.o.o. Sarajevo.

MINISTAR

Zvonimir Anđelić, dipl.ing.grad.